

защищати и на защищение их с бдением прилежно тружатиcь, да от иных наступаниа, ни отимания и отлучения въсприимуть. Ниже || от себе до- стоитъ епископом сродником своим, духовным людем или мирским, вещей и стяжаній церковных им порученных дати; даѣй бо благая церковная мирским человеком и отъемлющим не противляяся яко святотатець по- среди прочих еретиков вменится. Також никто от кесарей или царей или начальников, или ин кто господин и мирский человек можетъ епископов, пастырей и настоятелей церковных и клириков^щ им порученных судити, бити^о и обиду словом или делом нанести без казни анафемы, ниже о цер- ковных вещей ула||гати или устраяти, ниже вступатись свободоство имеетъ. л. 514 об.

Аще ли спротивно сътворитъ тим действом, правила божественными от- лучен от опщества христіаньскаго разумеется. Треба есть ведати, еже богаство церковное стяжание есть нищих и искупление плененых. Та- коже грабителей^н вещей епископских и пастырьских доостоитъ отлучать яко и церковных грабителей, понеже пастырь жених своя церкви нари- чется быти, сего ради ни епископ в вещей церковных можетъ створити при смерти приказаниа еже кому дать, || понеже вся его вещи стяжаниа суть церковная и про будущаго настоятеля съхраненым быти подобаетъ; граби- тели таковых вещей или наступники проклятье анафему приобретають.

Ниже услышати доостоитъ лжехристіан,^в иже с Юлианом отступником от еуангильскаго писаниа явити тѣатся, яко Христос ничтоже свое имееше и ни единого богатства събираше, ниже съкровищъ събираше, тако и церковь Христова ни единого наследия или стяжаниа доостоитъ имети, събираетъ || же ся. От Еуангелиа Иоаннова, глава 2,^о еже Христос имееше ковчежек и пенязи, егда глаголетъ: Рече же един от ученик его, Уда Симонов Скаріотъскій, иже и хотяше его предати, чесо ради миро се не продано бысть на трехстех пеняць и дань нищим, рече ж се, не яко о нищих печашесь, но понеже тать бе и ковчежець имый и вметаемая ношаше; и Иоан, глава 13,^ю глагола ему Исус: Еже твориши, сътвори скоро; сего же никто же разуме от възлежащих, к чесому рече ему, не- дии же мняху, понеже ковчежець имееше Иуда, яко глагола ему || Исус: л. 516

Купи еже требуем на празник или нищим нечто да даст. От предречен- ных еуангильских словес явно разумеется, яко Христос и ученици его ковчежець имеша на требу свою и на потребу нищим, и той преда яко приставънику своему. Еже Христос глава церкви ковчежець име, знамено- ваше церкви своей в будущее и ныне ковчежець и стяжаниа и съкровища имети. л. 516 об.

Коньстантин Великий, сын Еленин, царь вселенныя земль, дал церкви святей многая благая подвижная и неподвижная царства, страны, земли, грады, || злато и сребро, яко является в писании за златою печатю на сия учиненом, в нем же близ конца сице пишется: «Да не оскудеетъ пре- высота архиерейская нищетою, но да украшена будетъ славою и достоинь- ством римстей церкви толико дом нашъ, елико римский град и вси ита- лійские и вси западные страны, места, грады, острова, яже окрест Ита- лии суть, отцу нашему Сильвестру и всем по нем будущим под правдою римскиа церкви любовию даем и даруем о Христе человеческого роду искупителе; мы ж наше царство принесем || на Восток в Византию-град», л. 517

и прочая, яко является в писании за златою печатью на сие дарование * написанном яже zde продолжно есть вся слово в слово вписати. Сие дарование * бывшее Коньстантином царем римстей церкви Лодовик пер- л. 517 об.

^щ В ркп. каириков. ^о В ркп. быти.

^н На поле зачало 41.

^н В ркп. грабителию.

^в В ркп.

^ю На поле зачало 45.

— В ркп.

вставка на нижнем поле.